

Mein Oad, Leit, was is denn das?

1. Mein Oad, Leit, was is denn das? I hör

ja scho all - weil was! Was muass denn das

Ding be - deu - tn, han ja da__ nu nia__ ghört

läu - tn und jetz is__ scho so__ sche liacht,

dass ma an nia - dn Floh_ scho siacht.

2. Freili gehts ma wohl net ein, dass da Tag scho da sollt sein;
han ja net lang 's Nachtmahl g'essn, bin aa net lang nache g'sessn.
Hiarzt lieg i a Stund im Heu und is scho koa Fried dabei!

3. Sei's! I steh in Gotts Nam auf, taat schier gern an Juchschroa drauf!
Tua i da schon Spielleit hörn, werd gwiss moring Kirtag werd'n,
weil se alls so lustig macht - und is do erst Mitternacht.

4. O mei Lippal, los nur grad, wias schen singan bei da Stadt!
Mi ziemt gar, i siach von weitn, d' Engl toan vom Himml reitn.
Dort bein Stall toans umastehn und toan pfeifn wunderschen.

5. Hör, du Engel, sei so guat, sag ma 's, was 's bedeuten tuat?
Kemmts vom Himme flugs herunta, habts a Gschall, machts d' Leut all munta
und seids da recht volla Freid und dabei so schene Leit.

6. "Gott im Himmel Lob und Preis! Fürcht't euch nit, ihr Hirten beid',
unsre Botschaft bringt den Frieden: Gott ist zu euch herabgestiegen,
in dem Stall zu Bethlehem werd'ts ihr das Kindlein Jesus sehn!"

7. Gehn ma hin in selbn Stall, toan ma Gott zu Füaßn falln.
Er is reich, tuat doch nix habn, bring eahm was von deine Gabn.
Er wird dir 's bezahlen schon mit da ewign Himmelskron.